

Erindisbréf stjórnar Dvalar- og hjúkrunarheimilisins Jaðars

I. Verkefni stjórnarinnar

1. gr.

Stjórn Dvalar- og hjúkrunarheimilisins Jaðars starfar í umboði bæjarstjórnar að málefnum Jaðars samkvæmt lögum og reglugerðum er þar að lúta og því sem bæjarstjórn felur henni.

2. gr.

Stjórn Dvalar- og hjúkrunarheimilisins Jaðars er bæjarstjórn til ráðgjafar í málefnum er varða heimilið. Stjórnin gerir tillögur til bæjarstjórnar um markmið og rekstur Jaðars og gerir tillögur um úrbætur. Stjórnin hefur jafnframt eftirlit með því að samþykkt markmið bæjarstjórnar varðandi Jaðar náí fram að ganga.

Stjórn Dvalar- og hjúkrunarheimilisins Jaðars gerir tillögur til bæjarstjórnar um fjárhagsáætlun vegna heimilisins. Stjórnin skal hafa faglegt eftirlit með rekstri Jaðars og að heimilið starfi innan laga og samþykkrar fjárhagsáætlunar á hverjum tíma.

Sé stjórninni ekki falið að taka fullnaðarákvörðun um mál, skv. lögum eða erindisbréfi þessu, teljast ályktanir hennar tillögur til bæjarstjórnar, enda þótt þær séu orðaðar sem ákvarðanir eða samþykktir nefndar. Slíkar ákvarðanir þurfa því staðfestingu bæjarstjórnar.

3. gr.

Stjórn Dvalar- og hjúkrunarheimilisins Jaðars starfar í samræmi við samþykktir og reglur sem bæjarstjórn hefur sett eða kann að setja um verkefni hennar. Það á einnig við um samninga og samstarf á þessum vettvangi við önnur sveitarfélög.

II. Skipan stjórnarinnar

4. gr.

Bæjarstjórn skal á fyrsta eða öðrum fundi að afloknum sveitarstjórnarkosningum kjósa þrjá nefndarmenn í stjórn Dvalar- og hjúkrunarheimilisins Jaðars til fjögurra ára og þrjá til vara. Stjórnin kys sér formann, hafi hann ekki verið skipaður af bæjarstjórn, og varaformann á fyrsta fundi sínum.

5. gr.

Formaður stjórnar Dvalar- og hjúkrunarheimilisins Jaðars stjórnar fundum stjórnarinnar skv. ákvæðum IV. kafla samþykktar um stjórn Snæfellsbæjar og sér um að allt fari þar löglega og skipulega fram. Hann úrskurðar í ágreiningsmálum sem upp kunna að koma út af fundarsköpum en skjóta má úrskurði hans til úrlausnar stjórnarinnar. Fundarmönnum er skylt að lúta valdi formanns að því er varðar fundarsköp og góða reglu.

Formaður sér um boðun funda. Fundarboðun skal vera skrifleg og tilgreina fundarstað, tíma og dagskrá. Fundarboð skal sent fulltrúum og öðrum sem seturétt hafa á fundum eigi síðar en einum sólarhring fyrir fund.

6. gr.

Stjórn Dvalar- og hjúkrunarheimilisins Jaðars kemur saman fyrir luktum dyrum á fastákveðnum fundartíma, samkvæmt fundaplani. Skal nefndin gera samþykkt um fundartíma á sínum fyrsta

fundi á hverju hausti. Aukafundi skal halda eftir þörfum að ákvörðun formanns eða ef a.m.k. tveir nefndarmenn óska þess.

7. gr.

Forstöðumaður Dvalar- og hjúkrunarheimilisins Jaðars starfar með stjórninni og situr fundi stjórnarinnar með málfrelsi og tillögurétt.

Þá á bæjarstjóri rétt á að sitja fundi nefndarinnar með málfrelsi og tillögurétt.

Stjórninni er heimilt að kalla til sín sérhvern þann sem tengist málum sem fjallað er um.

III. Fundarsköp nefndarinnar

8. gr.

Um fundarsköp á fundum stjórnar Dvalar- og hjúkrunarheimilisins Jaðars gilda ákvæði sveitarstjórnarlaga og samþykktar um stjórn Snæfellsbæjar.

9. gr.

Fundargerðir stjórnar Dvalar- og hjúkrunarheimilisins Jaðars skulu tölvuskráðar. Við skráningu skal fylgja þeim meginreglum sem gilda um skráningu fundargerða bæjarstjórnar, sbr. 16. gr. í samþykkt um stjórn Snæfellsbæjar.

Í tölvuskráða fundargerð skal færa:

- a. fundartíma og fundarstað,
- b. nöfn aðalmanna og varamanna sem sækja fundinn,
- c. nöfn starfsmanna sem sækja fundinn,
- d. heiti og númer fundarefna sem tekin eru fyrir,
- e. greinargóða lýsingu á hverju fundarefni,
- f. bókanir nefndarinnar eða einstakra fundarmanna um fundarefni þar sem það á við,
- g. í fundargerð skal einnig koma fram ef fundarmenn víkja af fundi eða koma til fundar eftir að hann hefst.

Í lok fundar skal tölvuskráð fundargerð undirrituð rafrænt af fundarmönnum.

Strax að loknum fundi kemur ritari nefndarinnar fundargerðinni til bæjarritara sem leggur hana fram með dagskrá næsta bæjarstjórnarfundar.

Fundargerðir stjórnar Dvalar- og hjúkrunarheimilisins Jaðars eru birtar að afgreiðslu lokinni á heimasíðu Snæfellsbæjar.

10. gr.

Fundur telst ályktunarhæfur ef meirihluti nefndarmanna er mættur á fundi. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla að jöfnu.

Ályktanir stjórnar Dvalar- og hjúkrunarheimilisins Jaðars til bæjarstjórnar og bæjarráðs skal ætíð senda í sérstöku erindi.

IV. Hæfi, réttindi og skyldur nefndarmanna og annarra fundarmanna

11. gr.

Um réttindi og skyldur nefndarmanna gilda, eftir því sem við á, ákvæði IV. kafla sveitarstjórnarlaga nr. 138/2011, sbr. einnig IV. kafla í samþykkt um stjórn Snæfellsbæjar. Nefndarmönnum er skylt að kynna sér þessi ákvæði.

12. gr.

Um hæfi nefndarmanna í stjórn Dvalar- og hjúkrunarheimilisins Jaðars gilda ákvæði 19. gr. sveitarstjórnarlaga nr. 45/1998, II. kafla stjórnsýslulaga nr. 37/1993 og samþykktar um stjórn Snæfellsbæjar.

Um hæfi annarra sem sitja fundi stjórnarinnar gilda ákvæði II. kafla stjórnsýslulaga nr. 37/1993.

Nefndarmaður skal víkja af fundi við umræður og afgreiðslu mála sem varða hann sjálfan, skyldmenni hans eða nánustu venslamenn svo mjög að ætla má að það móti viljaafstöðu hans að einhverju leyti. Honum er þó heimilt að gera stuttlega grein fyrir afstöðu sinni áður en hann víkur af fundi.

13. gr.

Nefndarmönnum er skylt að sækja alla fundi stjórnar Dvalar- og hjúkrunarheimilisins Jaðars nema lögmæt forföll hamli svo sem önnur brýnni skyldustörf eða veikindi. Sé nefndarmaður í stjórn Dvalar- og hjúkrunarheimilisins forfallaður um stundarsakir skal hann tilkynna eða láta tilkynna forföllin til formanns og boða varamann sinn á fund.

14. gr.

Nefndarmaður skal gæta þagnarskyldu um það sem hann fær vitneskju um í starfi sínu og leynt á að fara vegna einka- eða almannahagsmuna samkvæmt lögum eða eðli máls. Þagnarskylda helst áfram eftir að nefndarmaður lætur af þeim störfum. Þetta ákvæði á einnig við um aðra sem boðaðir eru til fundar.

V. Eftirfylgni

15. gr.

Nefndarformaður og aðrir nefndarmenn skulu snúa sér til bæjarstjóra með eftirfylgni staðfesta samþykktu nefndarinnar og þannig tryggja að tekin sé afstaða til þeirra og þær framkvæmdar, í þeim tilfellum sem við á.

VI. Gildistaka

16. gr.

Erindisbréf þetta byggist á ákvæðum sveitarstjórnarlaga nr. 138/2011 um verkefni sveitarfélaga og starfsemi nefnda á þeirra vegum, stjórnsýslulögum nr. 37/1993 og samþykkt um stjórn Snæfellsbæjar.

Erindisbréf þetta var staðfest á fundi bæjarstjórnar 3. september 2026 og tekur gildi sama dag.

Snæfellsbær 3. september 2026

Kristinn Jónasson, bærarstjóri